

Çonsagração ba Nai feto Maria Auxiliadora

Ó Maria Santíssima, Nai Feto Auxiliadora
Ha'u hasa'e ha'u-an ba Ita Boot,
Ha'u hasae ha'u nia hanoin,
Atu nune'e ha'u bele hadomi Ita Boot.
Ha'u hasa'e hau nia nanal, atu bele hah'i Ita Boot.
Ha'u hasa'e ha'u nia fuan,
atu nune'e ha'u an tomak, Ita Boot nian.
Simu ha'u ba, Ó Inan Santa,
Iha problema no susar moris lor-loron nian, proteje ha'u!
Iha ha'u nia nessesidade temporal no espiritual, tulun ha'u!
No liu-liu iha oras ha'u atu mate, haraik bensaun mai ha'u!
Hametin ha'u nia fiar,
atu ha'u bele hadomi Maromak hanesan Ita Boot hadomi,
atu nune' iha loron ida,
ha'u bele hamutuk ho Ita Boot, Inan doben,
iha Reino lalehan hodi haksolok
ho Jesus ne'ebe' iha Aman no Espirito Santo. Amen

<<<<<Reflesaun kona ba devosaun ba Maria Ausiliadora>>>>>

Hahú hori uluk kedas Kreda Katoliku sira, halai ba Nossa Senhora Maria Auxiliadora no bolu Nia, liu-liu iha tempu funu, odiu, eresia, perseguisoens, no iha difikuldades oi-oin nia laran. Titulu ne'ebe apropriada ba sarani sira atu bolu Na'I Feto mak "Sarani sira-nia tulun". Nu'udar alupon nain, Maria hala'o nia serbisu, defende sira hodi manan diabu sira ne'ebe hakarak lori ema ba sala.

Kristaun sira nia Vitoria kontra ema Turkia sira iha tinan 1571, hetan suporta no harohan daet husi Maria Sarani nia Tulun.

Amo Papa Pio V aumenta invokasaun Maria Sarani sira nia tulun iha Litanía Loreto nian, no bainhira Amu Papa Pio VII iha Kadeia husi Napoliaun I, Kreda tomak reza ba Amo Papa liu husi Nossa Senhora Maria Auxiliadora nia harohan daet, no ikus mai Amo Papa sai husi kadeia no hahu fali nia serbisu pontifikadu nia iha fulan Maio tinan 1814. Atu agradese ba grasa hotu ne'ebe simu husi Na'i Feto nia harohan daet, Papa Pio XII estabelese festa ida atu fo onra ba Inan Virgem ho Titulu "Tulun nain Sarani sira-nian", ne'ebe hala'o tinan-tinan iha fulan Maio loraon 24.

No ikus mai iha tinan 1862 Sao Joao Bosco hari uma Kreda Santuario boot iha Torino hodi dedika ba Nossa Senhora Maria Auxiliadora, no hahu husi ne'e Don Bosco haboot nafatin devosaun ba Maria Auxiliadora tanba obras oi-oin ne'ebe Don Bosco hala'o ba edukasaun foinsae sira nian, bele susesu tanba Nai Feto Maria Auxiliadora nian intervensaun. No iha tinan 1869 Don Bosco harii **"Assosiasaun Devotu sira Maria Auxiliadora"** (ADMA) atu habelar devosaun ba Nai Feto Maria Auxiliadora. No iha tinan 1872 iha Mornese hamutuk ho Santa Domingas Mazzarello Don Bosco hari Congregacao Filhas de Maria Auxiliadora atu sai Monumentu moris Don Bosco nia gratidaun ba Nai Feto Maria Auxiliadora.

NOVENA BA MARIA AUSILIADORA

15-23 de Maio

Intro: Maun-alin sira, ohin ita hahu'u Novena ba Ita Inan Virjem Imaculada Ausiliadora. Nu'udar Familia Salesiana ita hasa'e agradese ba Maromak, tan liuhusi Don Bosco nia liman, hari Basilica Maria Ausiliadora iha Torim. Tinan ida ne'e ita celebra Aniversario 150 anos Consagrasaun Basilica Maria Auxiliadora nia. Basilica Maria Ausiliadora mak moris husi domin filial Don Bosco nia ba Maromak Nia Inan. Hahu husi ne'ebá, Maria nia uma ida ne'e sai sentru atrasaun, iradisaun fiar nian, ba ema hotu, no liuliu ba Familia Salesiana to'o ohin loron ne'ebe' esperiensa presenza inan ida nian, ne'ebe' hadomi, simu, intercede no orienta ba Jesus Nia Oan mane. Ne'e mak ksolok gratidaun nian, nuudar oan sira hotu nian.

No iha tinan ida ne'e mos iha Assembleia Jerál Ordinária Sínodu Bispu sira-nian, ne'ebé sei dedika ba joven sira, kona-ba relasaun entre joven sira, fiar, no vokasaun nune'e iha Novena tinan ida ne'e mai ita harohan ba foinsae sira. Mai ita hahu Novenu loron dahuluk nian: (**Loron 15**):

Guia: Hodi Padre.....

Guia: Tema ba laron ohin nian kona ba: FIAR

Hananu: *Maria de Nazare* HBN S-92

(Tur atu rona Maromak Nia Lia Fuan)

Leitura, Lk 1: 26-38

Liu tiha fulan neen, Maromak haruka anju Gabriel ba knua  ida Galileia nian, naran Nazare, ba fetoran ida nebe hakotu tiha ona ba mane ida naran Jose, housi David nia uma-kain; fetoran ne'e naran Maria. Tama tiha iha nia uma, anju dehan: "Rahun diak, feto kmanek wa'in tebes! Na'i ho ita!" Rona tiha lia ne'e, nia laran taridu hodi husu ba nia an rasik kumprimentu ne'e katak sa los. Anju dehan ba nia: "Keta tauk, Maria; basa o hetan rahun diak tebes iha Maromak futar oin. O sei ko'us no tur ahi oan mane ida. O sei hanaran Nia Jesus. Nia sei sai ema boot; sei hanaran An Na'i aas liu hotu nia Oan. Na'i Maromak sei haraik ba Nia nia aman David nia kadunan. Nia sei ukun Jacob nia uma-kain ba nafatin; nia ukun sei rohan laek." Maria husu ba anju: "Ne'e sei sai oin sa los, basa ha'u la hola mane?" Anju hatan ba nia: "Espiritu Santu sei tun ba o no Na'i aas liu hotu nia kbiit sei hamahan o. Tan ne'e santu nebe atu moris sei hanaran An 'Maromak nia Oan. O nia fetu maluk Isabel mos ko'us tiha oan mane ida, maski ferik ona. Ida nebe ema dehan la ko'us, nia ko'us fulan neen ona; basa, ba Maromak, la iha buat ida nebe la bele." Maria dehan: "Ne'e sa, Na'i nia atan oan mak ne'e. Halo tuir ita liafuan ba!" Hafoin anju husik nia.



Reflesaun badak: Oinsa foinsa'e sira bele aprende husi Maria Virgem atu hatan sira nia Sim ba Maromak hanesan Maria. Ne'e sa, Na'i nia atan oan mak ne'e. Halo tuir ita liafuan ba!" Wainhira iha situasaun ne'ebe halo sira la hatene hili sira nia futuru?

(Hotu sei hakneak)

Intensaun: Ita reza ba foinssae sira ne'ebe buka dadaun sira nia futuru.

- Ami Aman, Ave Maria, Gloria Salve Liurai Feto, Gracias e louvores no Maria Sarani sira nia tulun. (3x)

Orasaun:

Na'I Ita Boot hakarak Ita Oan hola Isin ida iha Maria Virgem nia knotak momoos. Tulun ami atu halo ami nia fuan lor-loron sai fatin furak ida ba Jesus ami Maksoyn. Ami harohan ne'e hodi Nai Jesus Cristo....

Bensaun Final: "Maria Auxiliadora" (bainhira iha amululik)

Canta Final: Guia de Don Bosco. Bele hili seluk

AVE MARIA AUXILIADORA

1. Guia de D. Bosco tu repete-nos:

"Esta é minha casa para minha glória "

Reff : *Ave Maria Axuxiliadora,*

Tu és a causa da nossa alegria,

Junto ao coração de Deus intercede por nós.

Novena Loron daruak 16 de Maio

Guia: Hodi Padre.....

Tema ba loron ohin nian: Disponivel

Hananu: Desde toda a eternidade HBN S-83 or bele hili seluk apropriadu

(Tur atu rona Maromak nia lia fuan)

Leitura; **Lk 1:39-45**

Iha loron hirak neba Maria hiit an lalais ba foho, ba knua ida iha Juda. To'o tiha Zacarias nia uma, nia kumprimenta Isabel. Wainhira Isabel rona Maria nia lia, kosok oan book an iha nia knotak ho ksolok. Nakonu ho Espiritu Santu, Isabel hahu koalia, dehan: "Ita boot diak liu feto hot-hotu! Ita boot nia oan diak liu! Be ha'u se los atu ha'u Na'i nia inan hiit an mai ha'u nia uma? Basa, ita lia to'o tiha iha ha'u tilun, kosok oan book an ked-as iha ha'u knotak. Rahun diak ba ida nebe fiar katak lia nebe Na'i hateten sei sai tuir los duni."

Reflesaun badak: "hiit an lalais". Nu'udar sarani karidade tenki ser sai kriteriu iha ita nia relasaun sira. Wainhira ema ida presiza ita nia tulun, lalika tur atu halo kalkula ida, maibe hamriik ba kedas. La'os atu fahe deit sasan, maibe fahe ita nia ksolok, tulun, hamanas midar ida, lia fuan kora-jem ida.

(Hotu sei hakneak)

Intensaun: Ita reza ba foinsa'e sira atu sai laran luak.

Boot, hosi nia tulun ne'ebe ohin ami hanoin ho ksolok, atu hadook ami hosi buat hotu ne'ebe a'at iha rai ne'e hodi tulun ami atu hetan ksolok rohan laek iha lalehan. Ami harohan ne'e.....

Bensaun husi Padre

Kantu Final: Ami fo agradese HBN S-5

Novena ba loron da-sia. 23 de Maio

Guia: Hodi Padre.....

Guia: Tema ba loron ohin nian kona ba: Matan Moris

Hananu: Tu es o Mae querida HBN 400

(Tur atu rona Maromak Nia Lia Fuan)

Leitura, Jo 2:1-10

Liu tiha loron tolu, ema halo festa kaben nian iha Kana Galileia. Jesus nia inan iha neba. ²Jesus ho nia eskolante sira simu mos konvite ba festa. ³Tamba tua la iha ona, Jesus nia inan dehan ba Nia: "Sira nia tua hotu ona." ⁴Jesus simu dehan: "Na'in feto, ita atu halo sa los? Ha'u nia loron la dauk to'o." ⁵Maibe nia inan dehan ba sira nebe hein meja: "Imi halo tuir buat nebe Nia haruka." ⁶Kusi neen iha neba, atu Judeu sira fase ain no liman; kusi ida-ida bele lori litru ualu nulu ka atus ida rua nulu. ⁷Jesus lia tun ba sira: "Imi tau be ba kusi sira ne'e to'o nakonu." Sira tau be nakonu di-diak to'o ibun. ⁸Hafoin Jesus dehan ba sira: "Imi bele hasai ona, lori ba uma na'in tenda."

Reflesaun badak: Halo tuir buat ne'ebe Nia dehan. Jesus nia Inan iha festa Casamento Cana Galileia nian, harohan ba nia Oan doben katak sira nia tua la iha ona. Ita buka hakbesik ba Maria ita nia Inan, lori ba nia ita nia terus no susar oi-oin atu nia harohan Jesus mai ita.

Intensaun: Ita harohan ba Maromak liu husi Maria Auxiliadora nia haro-han daet, atu tulun ita hotu ne'ebe halo parte iha Novena ida ne'e.

(Hotu sei hakneak)

- Ami Aman, Ave Maria, Gloria Salve Liurai Feto...(3x)

Orasaun:

Maromak bele halo hotu-hotu no rohan laek, Ita be hosi Espiritu Santo hadia fatin kmanek ida iha Virgem Maria ba Ita Oan Mane: ami husu Ita Boot, hosi nia tulun ne'ebe ohin ami hanoin ho ksolok, atu hadook ami hosi buat hotu ne'ebe a'at iha rai ne'e hodi tulun ami atu hetan ksolok rohan laek iha lalehan.

Ami harohan ne'e.....

Bensaun husi Padre

Kantu Final: Auxiliadora Virgem Formosa. HBN 380

Hananu: Hawelok nia nafatin
Leitura; Jn 19:25-30

Besik Jesus nia krus hamriik nia inan, nia inan nia alin, katak Maria, Cleofas nia fen, ho tan Maria Madalena. Hare tiha nia inan ho eskolante nebe nia hadomi iha nia sorin, Jesus lia tun ba nia inan: “Na’in feto, o nia oan mak ida ne’e!” Hafoin Nia lia tun ba eskolante: “O nia Inan mak ida ne’e!” No houri oras neba, eskolante ne’e simu nia iha nia uma.

Reflesaun badak: Molok Jesus mate iha Kruz Nia saran ita ba Na’I feto. Hahu husi ne’eba Maria hala’o nia knar nu’udar Inan no tulun nain ba sarani sira hotu. Liu-liu wainhira ita iha susar laran, ita hala’i ba nia, nu’udar Inan nia prontu atu proteje ita ho nia manta rasik.

Intensaun: Ita reza ba foinsa’e sira ne’ebe hetan difikuldades oi-oin. (Hotu sei hakneak)

- Ami Aman, Ave Maria, Gloria Salve Liurai Feto... (3x)

Orasaun:

Na’i Maromak, Kbiit nain no bele hotu-hotu. Ita Boot hili Maria atu hamutuk ho Jesus iha Nia terus, mate no moris Hias. Ami harohan atu hodi banati tuir Maria nia hahalok, ami bele brani terus ba Ita Boot ninia Evanjelho liu husi Ita Oan Jesus Kristo hamutuk ho Espirito Santo. Amen

Bensaun Final husi Padre.

Canta Final: Ami fo agradese HBN 374 or hili fali seluk.

Novena ba **Loron da-walu. 22 de Maio**

Guia: Hodi Padre.....

Guia: Tema ba loron ohin nian kona ba: Hatene simu terus.

Hananu: Virgem Pura HBN 402 bele hili fali seluk

Tur atu rona Maromak Nia Lia Fuan

Leitura. Luk 2: 34-35

Simeão fô bensaun ba sira, hodi dehan ba Nia inan Maria: “Haree ba, labarik ne’e mosu mai atu hatun no foti ema barak iha Israel, no mós atu sai sinal lia la tuir malu nian, no surik ida sei sona borus o nia fuan hodi fô sai buat ne’ebe ema barak hanoin iha sira nia laran.

Reflesaun badak: Simeão nia lia fuan ba Maria surik ida sei sona borus o nia fuan. Terus ne’ebe mosu iha ita nia moris lor-loron nian, mak parte moris nian. Ita aprende atu simu terus ho nonok.

Intensaun: Ita ba foinsa’e sira ne’ebe namkari iha nasaun oi-oin.

(Hotu sei hakneak)

- Ami Aman, Ave Maria, Gloria Salve Liurai Feto...(3x)

Orasaun:

Maromak bele halo hotu-hotu no rohan laek, Ita be hosi Espirito Santo hadia fatin kmanek ida iha Virgem Maria ba Ita Oan Mane: ami husu Ita

- Ami Aman, Ave Maria, Gloria Salve Liurai Feto. (3x)

Orasaun:

Maromak rohan laek no bele hotu-hotu, Ita be fo naroman ba bem-aveturada Virgem Maria atu hakarak ba hare Santa Isabel, haraik mai ami naroman kmanek wa’in Espirito Santo nian, atu ami ho Maria bele hananu nafatin Ita rahun kmanek sira. Ami harohan ne’e.....

Bensaun Final:

Canta Final: Auxiliadora **HBN 380** or bele hili seluk apropiadu

Novena Loron datoluk 17

Guia: Hodi Padre.....

Tema ba loron ohin nian: Agradesimentu

Hananu: Ave Maria Kreda Nia Inan. HBN 358

Leitura; Lk 1:46-56

.” Maria hatan dehan: “Ha’u klamar hahi Na’i, ha’u neon haksolok iha Maromak ha’u Maksoin. Basa Nia hare nia atan feto nebe folin laek. Tebes duni, houri ohin ba oin Ema hotu sei dehan ha’u rahun diak Basa Ida nebe bele buat hotu halo buat kmanek wa’in tebes mai ha’u. Nia naran santu. Nia laran luak houri otas ba sira nebe hamtauk Nia. Nia hatudu nia liman nia kbiit, hodi halakon ema loko an sira. Nia hamonu ukun na’in sira housi sira nia tur fatin, hodi foti fali ema kiik sira. ⁵³Nia haraik buat diak hotu ba muktir sira, hodi haruka riku sira ba ho liman mamuk. Nia tau matan ba nia atan Israel hodi hanoin fali nia laran luak, tuir lia menon nebe Nia hakotu ona ba ita nia bei-ala sira, ba Abraao no nia bei-oan sira ba nafatin.”

Reflesaun badak: Ita hotu aprende husi Maria, atu tau matan ba malu, liu-liu ferik katuas.

Intensaun: Ita ba foinsa’e sira atu hanesan Maria fahe ba ema seluk sira nia ksolok. Ksolok los ne’ebe mai husi sira nia enkontru ho Jesus.

(Hotu sei hakneak)

- Ami Aman, Ave Maria, Gloria Salve Liurai Feto..(3x)

Orasaun:

Maromak rohan laek no bele hotu-hotu, Ita be fo naroman ba bem-aveturada Virgem Maria atu hare buat kmanek Ita halo iha nia moris no hananu ninia Magnificat. Haraik mos mai ami matan atu hatene hare ita nia kmanek oi-oin iha ami nia moris lor-loron.

Ami harohan ne’e hodi Na’I Jesus Cristo.....

Bensaun Final husi Padre

Canta Final: Hawelok nia nafatin. HBN 364

Novena Loron da-haat 18 de Maio

Guia: Hodi Padre.....

Tema ba loron ohin nian: Proteje moris

Hananu: Wainhira hau moris mai or bele hili seluk apropiadu

(Tur atu rona Maromak nia lia fuan)

Leitura: Mt 2, 13-18

Sira ba tiha, Na'i nia anju ida mosu ba Jose iha mehi hodi dehan: "Hamriik ba, lori kiik oan ho nia inan, halai ba Egiptu hodi hela iha neba to'o ha'u fo hatene ba o, basa Herodes sei buka Kiik oan ne'e atu oho." Nia hader iha kalan, lori Kiik oan ho nia inan halai ba Egiptu, hodi hela iha neba to'o Herodes mate. Nune'e sei sai tuir duni buat nebe Na'i fo sai housi profeta: "Ha'u bolu Ha'u nia Oan housi Egiptu."

Reflesaun badak: Wainhira Jose rona Na'I nia mensajem husi Anjo, nia hader kedas lori labarik atu bele proteje husi Herodes ema aat ne'ebe hakarak atu oho Kosok-Oan. Labarik hirak mak lakon nia moris, tanba hahalok ema boot sira? Ema barak la kumpriende katak labarik iha direitu atu moris?

Intensaun: Ita reza ba ema hotu ne'ebe servisu ba protesau labarik sira (Hotu sei hakneak)

- Ami Aman, Ave Maria, Gloria Salve Liurai Feto...(3x)

Orasaun:

Na'i, ami Aman doben no domin nain. Ita Boot hili Maria nu'udar Inan ba Ita oan no ami nia Inan, hodi realiza Ita Nia domin ba ema tomak. Ami harohan ba Ita Boot, atu ami ida-idak bele sai hanesan Nia pronto nafatin simu Jesus iha ami nia fuan, atu nune'e ami bele hamoris Jesus ba mundo ohin loron nian, liu husi ami nia lia fuan no hahalok diak sira.

Ami harohan ne'e hodi Na'i Jesus...

Bensaun Final:

Canta Final: Virgem pura. HBN 402

Novena ba Loron da-lima 19

Guia: Hodi Padre.....

Tema ba loron ohin: Orasaun

Hananu: Maria ita fihir hau matan. HBN 369

Leitura: Acts 1:13-2:4

Wainhira sira tama tiha iha sidade laran, sira sa'e ba kuartu iha andar leten iha nebe sira horik ba, Pedro no Joao no Tiago no Andre, Filipe no Tome, Bartolomeu no Mateus, Tiago, Alfeu nia oan, Simao Zelota no Judas, Tiago nia oan. Sira ne'e hotu, ho neon ida deit, badinas atu harohan, hamutuk ho feto balun no Maria, Jesus nia inan, no Nia maun alin sira.

Reflesaun badak: Importansia orasaun iha sarani sira nia moris. Wainhira

ita harohan bei-beik ita bele hetan grasa atu bele hala'o ita nia moris diak liu, tuir Jesus nia hakarak. Liu-liu foinsae sira.

Intensaun: Ita foinsa'e sira, atu hadomi orasaun.

- Ami Aman, Ave Maria, Gloria Salve Liurai Feto.. (3x)

Orasaun: Na'I Maromak, Ita be haraik mai ami nu'udar Inan, Ita Oan doben Nia Inan. Ami harohan ba Ita Boot atu haraik tulun mai ami hodi moris tuir Nia hanorin no ho Espirito be hatene terus no harohan loloos nian, ami bele hala'o servisu ho laran mos hodi hafoun mundo no hodi haklaken ba oin Cristo nia Reino. Ami harohan ne'e.....

Bensaun Final: "Maria Auxiliadora" (bainhira iha amululik)

Canta Final: Ami Agradesce HBN S-5

Novena Loron da-neen 20

Guia: Hodi Padre

Tema ba loron ohin nian: Rona

Hananu: Salve Salve O Virgem Maria HBN S -102

(Tur rona Maromak nia lia fuan)

Leitura; Mk 3: 20-35

Nia inan no maun alin sira to'o iha neba. Sira hamriik iha liur hodi hame-no lia atu fo hatene ba Nia. Iha tempu nebe lia hirak ne'e to'o ba Nia, "O nia inan no maun alin sira hela iha liur hodi buka O," ema lubun boot tur hale'u Nia. Nia hatan: "Se mak Ha'u nia inan no maun alin sira?" Hodi hateke ba sira nebe hale'u Nia, Nia dehan, "Sira ne'e mak Ha'u nia inan no maun alin sira. Ema nebe halo tuir Maromak nia hakarak, ema ne'e mak Ha'u nia maun alin, bin feton no inan."

Reflesaun badak: Jesus bolu sira ne'ebe rona no moris tuir Ninia Lia fuan nu'udar Nia maun alin sira. Ohin loron ema sei iha hakarak atu hakbesik ba Jesus rona Nia no simu Nia Isin no Ran?

Intensaun: Ita reza ba foinsa'e sira hakbseik ba Jesus nia Mestre.

(Hotu sei hakneak)

- Ami Aman, Ave Maria, Gloria Salve Liurai Feto.. (3x)

Orasaun:

Housi Maria Virgem nia harohan daet, haraik tulun mai ami atu ami bele halo parte iha Ita grasa nia kmanek. Ami harohan liu-liu ba foinsae sira, atu rona no hili buat ne'ebe justo no los ba sira nia futuro

Ami harohan ne'e hodi Na'i Jesus..

Bensaun Final: "Maria Auxiliadora"

Canta Final: HBN S -102 or bele hili seluk apropiadu

Novena Loron da-hitu 21

Guia: Hodi Padre

Tema ba loron ohin: **Atenbrani**